

特3 1  
68.9

W 23269 / 22

漢史蠡海卷之二


成齋重野安繹

同閱

古堂續 豐德

敬齋續 簡訂正

續 敬編輯



世祖武皇帝姓司馬名炎河南人懿之孫昭之子也仕魏襲封  
晉王未幾篡稱帝都洛陽乙酉夏五月魏晉王昭號其妃曰后  
世子曰太子秋昭卒太子炎立冬炎稱皇帝廢魏王爲陳留王  
丙戌秋晉主謁崇陽陵丁亥春晉立子衷爲太子戊子春晉太  
后王氏殂辛卯春吳主大舉兵遊華里不至而還冬晉安樂公

劉禪卒。壬辰春。晉太子衷納妃賈氏。冬。吳主克西陵。志益張大。使術士尙廣筮取天下。對曰。吉。庚子歲。青蓋當入洛陽。吳主喜。不脩德政。專爲兼并之計。己亥。晉以匈奴劉淵爲左部帥。冬。晉大舉兵。分道伐吳。涼州平。庚子。晉世祖武皇帝。太康元年春。諸軍並進。吳丞相張悌迎戰。死之。三月。龍驤將軍王濬以舟師入石頭。吳主皓出降。夏四月。賜孫皓爵歸命侯。遣使行荊楊。除吳苛政。吳人大悅。封平吳功臣。冬。詔罷州郡兵。二年春。選吳伎妾五千人入宮。冬。鮮卑寇昌黎。三年春。帝親妃南郊。帝既平吳。頗極意聲色。怠於政事。掖庭殆將萬人。常乘羊車。恣其所之。至便寢宴。遂至成疾。識者知天下將亂。

孝惠皇帝名衷。永熙元年夏四月。以楊駿爲太尉。輔政。帝崩。太

子衷卽位。尊皇后曰皇太后。立皇后賈氏。五月。葬峻陽陵。詔羣臣增位賜爵。有差。以楊駿爲大傅。大都督。假黃鉞。錄朝政。百官總己以聽。秋。立廣陵王遼爲太子。元康元年春。皇后賈氏殺太傅楊駿。廢皇太后爲庶人。以賈模。張華。裴頠爲侍中。並管機要。二年春。皇后弑。故皇太后楊氏于金墉城。六年秋。秦雍氐羗齊萬年反。冬。遣周處等討之。七年。周處戰敗。死之。八年秋。復遣孟觀討萬年。九年春。觀擊萬年。獲之。秋。賈模卒。冬。廢太子遼爲庶人。永康元年春。幽故太子遼於許昌。殺之。夏四月。趙王倫廢皇后賈氏爲庶人。殺之。遂殺張華。裴頠。自爲相國。追復故太子位號。秋。淮南王允討趙王倫。不克而死。冬。立皇后羊氏。永寧元年春。趙王倫自稱皇帝。遷帝於金墉城。殺太孫臧。三月。齊王冏及

成都王穎河間王顥等舉兵討倫倫遣兵拒之夏穎擊敗倫兵帥師濟河將軍王輿等迎帝復位倫伏誅太安元年夏立清河王覃爲皇太子二年秋河間王顥成都王穎舉兵反九月帝自將討穎顥將張方入城大掠冬長沙王乂奉帝及穎兵戰于建春門大破之永興元年春東海王越使張方殺長沙王乂穎入京師自爲丞相尋還鎮鄴二月穎廢皇后羊氏及太子覃顥表穎爲皇太弟自爲太宰雍州牧秋東海王越奉兵征穎復皇后太子穎遣兵拒戰蕩陰帝遂入鄴張方復入京城廢皇后太子劉淵自稱大單于將衆五萬都於離石幽并兵至鄴穎奉帝還洛陽冬十月李雄自稱成都王劉淵自稱漢王十一月張方遷帝於長安復皇后羊氏漢王淵遣劉曜寇太原二年夏張方復

廢羊后光熙元年春太宰顥殺張方成都王穎奔長安夏東海王越奉帝東還六月復羊后成都王雄稱成帝秋以越爲錄尚書事冬十一月帝中毒崩太弟熾卽位十二月葬太陽陵

孝懷皇帝名熾武帝第二十五子惠帝無嗣立爲皇太弟至是卽位永嘉元年春立清河王覃弟詮爲皇太子夏五月群盜入鄴石勒降漢慕容廆自稱鮮卑大單于二年春太傅越殺清河王覃冬漢王淵稱帝三年春漢徙都平陽三月太傅越入京師殺帝舅王延等十餘人漢石勒寇鉅鹿常山四年秋漢主淵卒太子和立其弟聰弒而代之秦氏酋蒲洪自稱潞陽公五年春太傅越卒于項夏漢石勒追敗越軍於苦縣執王衍等殺之五月漢人入寇六月陷洛陽殺太子詮遷帝于平陽封平阿公六月

年春。漢封帝爲會稽郡公。秋。賈正等奉秦王業爲皇太子。建行臺。羌酋姚弋仲自稱扶風公。

孝愍皇帝名業。吳王晏之子。武帝之孫也。建興元年春二月。劉聰弒帝於平陽。庾珉王雋死之。夏四月。業卽位於長安。二年春。石勒襲荊。陷之。荊降於段匹磾。四年秋七月。漢劉曜陷北地。進至涇陽。冬十一月。曜陷長安。帝出降。御史中丞吉朗死之。漢封帝爲懷安侯。

東晉紀

中宗元皇帝名睿。宣帝曾孫。琅邪王覲之子。建武元年春三月。丞相睿卽晉王位。劉琨慕容廆皆遣使勸進。秋七月。漢立子粲爲太子。冬十二月。漢主劉聰弒帝於平陽。辛賓死之。太興元年

春。王卽皇帝位。大赦。增文武位一等。立王太子紹爲皇太子。漢蠡斯則百堂災。燒殺漢主聰子二十一人。夏。段匹磾殺太尉廣武侯劉琨。秋七月。漢主聰卒。太子粲立。八月。斬準弒而代之。石勒引兵討準。冬十月。劉曜自立於赤壁。封斬爲趙公。二年夏。漢徙都長安。立妃羊氏爲后。子熙爲太子。漢改號趙。立宗廟社稷。冬。石勒稱趙王。稱元年。是爲後趙。後趙陷幽冀并州。段匹磾死之。永昌元年春。王敦舉兵反。據石頭。冬。後趙寇譙。閏十一月。帝崩。司空王導受遺詔。太子紹卽位。

肅宗明皇帝名紹。太寧元年春。葬建平陵。以王導爲司徒。二年夏。趙涼王張茂卒。世子駿嗣。三年春。立子衍爲皇太子。秋。閏七月。帝崩。王導庾亮卞壺等受遺詔。輔政。太子衍卽位。太后臨朝。

稱制葬武平陵。

顯宗成皇帝名衍。咸和元年夏。以郗鑒為徐州刺史。導稱疾不朝。二年。徵蘇峻為大司農。峻與祖約舉兵反。陷姑孰。詔庾亮督諸軍討之。三年。卞壺討峻。戰敗死之。庾亮奔潯陽。峻兵犯闕。皇太后庾氏以憂崩。夏。溫嶠以陶侃入討。峻遷帝于石頭。秋。七月。後趙攻壽春。冬。十二月。後趙主勒大破趙兵於洛陽。獲趙主曜。以歸。殺之。四年。趙太子熙奔上邽。後趙取長安。秋。八月。後趙石虎攻拔上邽。殺趙太子熙。遂取秦隴。五年春。二月。後趙主勒稱趙天王。以王虎為太尉。封中山王。誅祖約。夷其族。秋。九月。趙主勒稱皇帝。八年秋。後趙主勒卒。太子弘立。石虎自為丞相。魏王弒其太后劉氏。九年冬。石虎弒其主弘。自立為居攝天王。咸

康元年春正月朔。帝冠。三月。幸司徒導府。秋。趙遷都鄴。趙聽其民事。佛。二年春。立皇后杜氏。三年春。趙王虎稱趙天王。秋。慕容皝自稱燕王。四年夏。成李壽弒其主期而自立。改國號漢。五年秋。改丞相為司徒。七年春。二月。封慕容皝為燕王。三月。皇后杜氏崩。八年夏。六月。帝崩。琅邪王岳即位。秋。七月。葬興平陵。冬。立皇后褚氏。

康皇帝名岳。成帝同母弟。建元元年秋。七月。詔議經略中原。二年春。桓宣及趙兵戰于丹水。敗績。秋。九月。帝崩。太子聃即位。太后臨朝稱制。冬。十月。葬崇平陵。

孝宗穆皇帝名聃。永和元年春。以會稽王昱為撫軍大將軍。錄尚書事。燕王皝始不用晉年號。自稱十二年。二年。桓溫帥師伐

漢三年。敗漢兵于笮橋。進至成都。漢主勢降。詔以爲歸義侯。四年秋。朝廷論平蜀之功。加溫征西大將軍。九月。燕王皝卒。世子儁立。五年春。趙王虎稱皇帝。夏。虎卒。太子世立。其兄遵弒之。及其太后劉氏而自立。冬。趙石鑿弒其主遵而自立。六年春。閏正月。趙石閔殺鑿而自立。改國號魏。秦蒲洪自稱三秦王。改姓苻。二月。燕王儁擊趙。拔薊城。徙都之。魏主閔復姓冉氏。故趙將麻秋殺苻洪。洪子健斬秋。遣使來請命。趙石祗稱帝於襄國。七年春。苻健自稱秦天王。夏四月。趙劉顯弒其主祗而自立。八年春。秦王健稱皇帝。魏克襄國。殺劉顯。遷其民於鄴。夏四月。燕慕容恪等擊魏。大破之。執其主閔以歸。殺之。於是魏亡。冬。燕王儁稱皇帝。十年春。張祚自稱涼王。二月。桓溫帥師伐秦。夏四月。大敗。

秦兵進軍。灞上。三輔皆降。十一年。秦王健卒。太子生立。升平元年。夏六月。秦苻堅弒其君生。自立爲天王。秋。立皇后何氏。四年春。燕王儁卒。太子暉立。五年。夏五月。帝崩。琅邪王丕卽位。秋七月。葬永平陵。九月。立皇后王氏。

哀皇帝名丕。隆和元年春。燕呂護攻洛陽。桓溫遣兵救之。秋。燕師引還。興寧元年。夏。加溫大司馬都督中外諸軍事。三年春。皇后王氏崩。溫移鎮姑孰。三月。帝崩。琅邪王奕卽位。葬安平陵。秋。立皇后庾氏。

帝奕。太和元年。夏。皇后庾氏崩。四年。秦遣王猛等伐燕。十二月。取洛陽。五年冬。秦王堅入鄴。執燕王暉。以王猛爲冀州牧。

太宗簡文皇帝名昱。元帝少子。咸安元年。秦徙關東豪傑及雜

夷十五萬戶于關中。涼州張天錫稱藩于秦。冬十一月。大司馬  
溫入朝。廢帝爲東海王。迎會稽王昱。入卽位。二年秋。帝崩。太子  
昌明卽位。冬十月。葬高平陵。

烈宗孝武皇帝名昌明。簡文帝太子。寧康元年春二月。大司馬  
溫來朝。秋七月。溫卒。皇太后臨朝攝政。三年秋。秦王猛卒。八月  
立皇后王氏。大元元年春正月朔。帝冠。太后歸政。五年秋。皇后  
王氏崩。六年春。立佛精舍於內殿。八年秋。秦主將步騎九十萬  
入寇。冬。將軍謝石、謝玄等帥精兵五千。渡水大破之。復分兵斷  
其歸津。秦步騎赴淮死者萬五千人。於是石等水陸繼進。秦兵  
逼肥水而陳。潰走不可復止。苻融爲晉兵所殺。秦兵遂潰。死者  
什七八。堅走還長安。九年春。慕容垂自稱燕王。大破秦兵。斬其

將石。越夏四月。姚萇起兵北地。自稱秦王。是爲後秦。十年春。燕  
慕容冲稱帝于阿房。夏。西燕主冲攻長安。秦王堅出奔。五將山  
冲入長安。秋。後秦圍五將山。執秦王堅。以歸。殺之。秦苻丕稱帝  
于晉陽。劉顯弒其君頭眷而自立。燕定都中山。十一年春。拓跋  
珪復立爲代王。燕王垂稱皇帝。二月。西燕弒其主冲。立段隨爲  
燕王。三月。西燕人殺段隨。而東至聞喜。立慕容忠。復稱帝。夏四  
月。代改稱魏。後秦王萇取長安。稱皇帝。西燕慕容永稱帝於長  
安。秦苻登稱帝於南安。十二年秋。立子德宗爲皇太子。二十一  
年夏。三河王光自稱涼天王。秋。貴人張子弒帝於清暑殿。太子  
卽位。冬。葬隆平陵。

安皇帝名德宗。隆安元年春。禿髮烏孤自稱西平王。是爲南涼。

三月立皇后王氏。夏王恭舉兵反。燕慕容詳稱帝於中山。冬燕長樂王盛稱皇帝。十二月魏王珪稱皇帝。元興元年桓立舉兵反。稱皇帝。廢帝為平固王。遷于尋陽。三年春二月劉裕起兵京口。三月及桓謙戰于覆舟山。大破之。立出走。裕立留臺于石頭。夏四月立挾帝入江陵。五月馮遷擊立誅之。帝復位。秋九月魏改官制。義熙元年春以鳩摩羅什為國師。由是州郡化之。事佛者十室而九。二月帝東還。三月帝至建康。夏四月以劉裕都督十六州軍事。出鎮京口。三年夏赫連勃勃自稱大夏天王。五年夏劉裕伐南燕。大破之。六年夏六月劉裕自為太尉中書監。加黃鉞。八年皇后王氏崩。十年夏西秦滅南涼。十二年春太尉裕自加都督二十二州軍事。冬十二月以太尉裕加相國揚州牧。

封宋公。備九錫。辭不受。十三年夏四月太尉裕入洛陽。復至潼關。遣王鎮惡大破秦兵。遂入長安。秦主泓出降。詣建康。斬之。冬太尉裕進爵為王。復辭不受。十二月裕東還。夏王勃勃聞裕東還大喜。乃使其子瓚帥騎二萬向長安。而自將大軍為後繼。十四年太尉裕至彭城。解嚴。夏六月裕受相國宋公九錫之命。夏王勃勃稱皇帝。冬十二月宋公劉裕弒帝于東堂。奉琅邪王德文即位。

恭皇帝名德文。安帝同母弟。元熙元年春正月立皇后褚氏。葬休平陵。二年夏六月宋王裕還建康。稱皇帝。廢帝為零陵王。以兵守之。宋尊王太后為皇太后。秋八月宋立子義符為皇太子。

南北朝



宋紀附北魏

高祖武帝姓劉名裕彭城人仕晉為太尉封宗王尋篡晉即皇帝位國號宋都建康辛酉春二月宋以廬陵王義真為司徒秋九月宋主劉裕弒零陵王於秣陵冬十一月葬晉恭帝于冲平陵壬戌夏宋主裕殂太子義符立秋葬初寧陵

營陽王名義符癸亥春魏築長城二千餘里置戍以備之冬十一月魏主嗣殂太子燾立是為世祖太武帝魏立天師道場道教之盛自此始

太祖文帝名義隆甲子春宋廢其廬陵王義真為庶人夏宋徐羨之等廢其主義符為營陽王遷于吳六月弒之迎宜都王義隆于江陵殺前廬陵王義真立義隆乙丑春宋主始親聽政秋

夏王勃勃殂世子昌立丙寅春宋討徐羨之等誅之謝晦舉兵反江陵閏月宋子劭生宋主自將討謝晦誅之夏宋以檀道濟為江州刺史丁卯春宋主謁京陵夏六月夏主及魏主戰于統萬敗走上邽魏取統萬戊辰春魏人及夏戰于上邽執其主昌以歸夏赫連定稱帝于平涼魏人追之敗績夏復取長安己巳春宋立子劭為太子庚午宋伐魏取河南冬宋鑄四銖錢辛未春夏滅秦以秦王暮末歸殺之夏六月夏主定擊涼吐谷渾吐谷渾襲敗之執定以歸於是夏亡甲戌春燕王弘稱藩于魏丙子春宋殺其司空檀道濟道濟見收乃怒曰壞汝萬里長城魏人聞之喜曰道濟死吳子輩不足復懼夏魏伐燕燕主弘奔高麗燕亡冬宋鑄渾儀戊寅冬宋立四學宋主性仁厚恭儉勤於

為政三十年間。四境之內晏然無事。戶口蕃息。士敦操尚。鄉恥輕薄。江左風俗於斯為美。己卯夏。魏主伐涼。秋涼王牧犍降。北涼亡。冬宋太子劭冠。壬午冬。宋脩孔子廟。乙酉春正月朔。宋行元嘉曆。丙戌春三月。魏誅沙門。毀佛書佛像。丁亥春。宋鑄大錢。己丑夏。宋罷大錢。庚寅秋。宋人大舉侵魏。取碣磝。圍滑臺。冬。魏及宋平。辛卯春。宋主殺其弟義康。壬辰春。魏宗愛弒其君燾而立南安王余。冬。復弒其君余。於是魏主濬立。討愛誅之。是為文成帝。魏復建佛圖。聽民出家。行立始曆。癸巳春二月。宋太子劭弒其君義隆而自立。以何尚之為司空。夏四月。宋武陵王駿舉兵討劭。宋人立駿。五月。劭及弟始興王濬皆伏誅。

世祖孝武帝名駿。甲午春。宋鑄孝建四銖錢。丙申春。魏立貴人

馮氏為后。二月。立其子弘為太子。庚子春正月。宋主耕籍田。三月后親蠶西郊。太后觀禮。癸卯。宋大脩宮室。甲辰夏閏五月。宋主駿殂。太子即位。

廢帝名子業。乙巳春。宋鑄二銖錢。夏五月。魏主濬殂。太子立。是為獻文帝。宋晉安王子勛舉兵尋陽。宋弒其君子業而立湘東王彧。

太宗明帝名彧。丙午。晉安王子勛遂稱帝。秋八月。宋臺軍克江州。殺子勛。立子昱為太子。戊申秋。宋以蕭道成為南兖州刺史。辛亥春。宋主殺其弟休祐、休仁、休若。以蕭道成為散騎常侍。秋八月。魏主弘傳位於太子宏。自稱太上皇帝。國大事乃以聞。壬子夏。四月。宋主彧殂。太子昱立。

蒼梧王又曰。後廢帝名昱。丙辰夏六月。魏太后馮氏弒其主弘。復稱制。宋加蕭道成左僕射。

順帝名準。明帝第三子。丁巳秋七月。宋蕭道成弒其主昱而立。安成王準自爲司空錄尚書事。冬十一月。宋沈攸之舉兵江陵。討蕭道成。道成假黃鉞出頓親亭。戊午秋九月。宋蕭道成自爲太傅揚州牧。加殊禮。

### 齊紀附北魏

太祖高帝姓蕭。名道成。仕宋封齊公。進爵爲王。己未夏。齊王道成稱皇帝。廢宋主爲汝陰王。徙之丹陽。以褚淵爲司空。五月。齊王道成弒汝陰王。滅其家。齊立世子蹟爲太子。諸子皆封王。壬戌春。齊王道成殂。太子蹟立。

世祖武帝名蹟。癸亥夏閏四月。魏子恂生。壬申春。魏脩堯舜禹周公孔子之祀。齊遣使如魏。癸酉。魏詔大舉伐齊。齊主蹟殂。太孫昭業立。秋。魏主至洛陽。罷兵。冬營洛都。

高宗明帝名鸞。高帝兄。始安貞王之子。半年之中連弒鬱林海陵二王而自立。甲戌秋七月。齊蕭鸞弒其君昭業而立新安王昭文。自封宣城公。九月。魏主考績黜陟百官。冬宣城公鸞自爲太傅揚州牧。進爵爲王。廢其主昭文爲海陵王而自立。十一月。立子寶卷爲太子。弒海陵王。十二月。魏禁胡服。魏主自將伐齊。乙亥春。魏主攻鐘離不克。數齊主之罪而還。夏六月。魏禁胡語。求遺書法度量。立大學小學。秋九月。魏六宮文武遷于洛陽。班品令。賜冠服。行太和五銖錢。丙子。魏改姓元氏。初定族姓。聽終。

三年喪。秋八月。魏太子恂有罪。廢爲庶人。丁丑。魏主殺其故太子恂。戊寅。秋。魏省宮掖費用。以給軍賞。齊以蕭衍爲雍州刺史。衍初好籌略。有文武才幹。王儉深器之。曰。蕭郎出三十。貴不可言。齊主鸞殂。太子立。

東昏侯名寶卷。己卯。夏四月。魏主宏殂于穀塘原。后馮氏伏誅。太子恪立。是爲宣武帝。庚辰。齊主大起芳樂。玉壽等諸殿。百姓號泣。道路復多殺諸臣。朝廷憂之。冬十一月。齊雍州刺史蕭衍起兵襄陽。蕭胃亦以南康王寶融起兵江陵。

和帝名寶融。辛巳。春正月。齊南康王寶融稱相國。蕭衍發襄陽。三月。寶融廢。其君寶卷爲涪陵王。而自立。秋八月。蕭衍克尋陽。引兵東下。冬十二月。齊人弒涪陵王寶卷。蕭衍入建康。以太后

令追廢寶卷爲東昏侯。自爲大司馬承制。

### 梁紀附北魏

高祖武帝姓蕭。名衍。齊之疏族也。壬午。春正月。齊大司馬衍迎宣德太后入宮。稱制。置百司。三月。齊主發江陵。夏四月。衍稱皇帝。廢齊主爲巴陵王。遷太后于別宮。封拜其功臣有差。梁主衍弒巴陵王于姑孰。丞顏見遠死之。梁置謗木。肺石函。秋八月。定正雅樂。冬十一月。立子統爲太子。甲申。冬。魏營國學。乙酉。春。梁置五經博士。立州郡學。丙戌。夏。魏罷鹽池之禁。丁亥。春三月。梁將軍曹景宗豫州刺史韋叡大敗魏師于鐘離。戊子。秋七月。魏立貴嬪高氏爲后。高肇益貴重。用事。己丑。春。梁主遣使求成于魏。魏主不肯。冬。魏主親講佛書。作永明間居寺。皆極土木之美。

由是遠近承風。無不事佛。州郡共有一萬三千餘寺。庚寅春三月。魏主之子詡生。壬辰冬十月。魏立子詡爲太子。魏自是始不殺太子之母。乙未春。魏主恪殂。太子詡立。是爲孝明帝。二月。魏高肇伏誅。太后稱制。丁酉夏四月。梁罷宗廟牲牢。薦以蔬果。己亥。魏立停年格。後世資格用人。始此。癸卯冬。魏崔光卒。光寬和樂善。終日怡怡。未嘗忿恚。時人比之張禹。胡廣。十二月。梁鑄鐵錢。丁未春三月。梁主捨身於同泰寺。戊申春。魏胡后弒。其主詡詐立皇女爲皇子。又立孝文曾孫釗爲帝。三月。魏爾朱榮舉兵。晉陽立長樂王子攸爲帝。沈太后胡氏及幼主釗于河。殺王公以下二千人。遂入洛。夏還晉陽。自爲大丞相。己酉夏四月。魏王顥拔榮陽。稱皇帝。魏主子攸奔河南。閏六月。魏爾朱榮渡河。魏

王顥走死。魏初鑄永安五銖錢。庚戌秋七月。魏以宇文泰爲征西將軍。行原州事。泰撫以恩信。民皆感悅。曰。早遇宇文使君。吾輩豈從亂乎。魏爾朱榮至洛陽。與元天穆皆伏誅。秋。爾朱世隆反。立長廣王曄爲帝。入洛陽。遷其主子攸于晉陽。而弒之。復廢其主曄。而立廣陵王恭。是爲節閔帝。魏主閉口八年。至是乃言。中外欣然以爲明主。冬。魏高歡起兵討爾朱氏。壬子夏四月。世隆伏誅。高歡入洛陽。廢其主恭及朗。而立平陽王脩。自爲大丞相。脩弒其故主恭及安定王朗。東海王曄立。后高氏。甲寅夏六月。魏大丞相歡舉兵反。秋七月。魏主脩奔長安。歡入洛陽。魏主以宇文泰爲大將軍。尙書令。冬十月。歡立清河世子善見于洛陽。爲帝。是爲東魏。遷于鄴。閏十二月。泰進毒弒其君脩。乙卯春。

正月朔。秦立南陽王寶炬。是爲西魏。丁巳秋。梁脩長干寺。戊午冬。東魏改停年格。己未冬。魏置紙筆于陽武門。以求言。制禮樂。辛酉秋。魏省官員。置屯田。頒六條。丙寅秋。梁禁用短錢。魏蘇綽卒。綽性忠儉。常以喪亂未平。爲己責。薦賢拔能。紀綱庶政。宇文泰推心任之。及卒。泰深痛惜之。曰。爾知吾心。吾知爾心。方欲共定天下。遽捨吾去。奈何。丁卯春。東魏高歡卒。侯景以河南降魏。二月。魏除宮刑。侯景復以河南叛。附于梁。秋。東魏大將軍澄入鄴。幽其主于宮中。己巳春三月。侯景陷梁臺城。自稱大都督錄尚書事。夏五月。梁主衍殂。太子綱立。冬十二月。梁始興太守陳霸先起兵討侯景。東魏取梁司州。於是東魏盡有淮南之地。太宗簡文帝名綱。庚午春。梁以陳霸先爲交州刺史。夏五月。齊

王洋稱皇帝。是爲北齊。文宣帝廢東魏主。爲中山王。於是東魏亡。秋九月。侯景自稱漢王。冬十月。魏初作府兵。辛未春三月。魏主寶矩殂。太子欽立。秋八月。侯景廢梁主綱而立。豫章王棟。冬殺故梁主綱。又廢梁主棟。自稱漢帝。十二月。齊主洋弒中山王。世祖孝元帝名繹。武帝第七子。眇一目。初封湘東王。及簡文被弒。乃卽位於江陵。壬申春二月。梁湘東王繹遣王僧辯。陳霸先討侯景。景亡。走吳。繹殺豫章王棟。夏。侯景伏誅。梁以王僧辯爲司徒。陳霸先爲征虜將軍。開府儀同三司。冬十一月。梁主繹立。甲戌春正月。魏作九命九秩之典。宇文泰廢其主欽而立齊王廓。復姓拓跋氏。夏四月。梁以陳霸先爲司空。魏宇文泰殺其故主欽。冬十月。魏遣柱國于謹帥師伐梁。十二月。執梁主繹殺之。

王僧辯陳霸先奉晉安王方智承制。

敬帝名方智。乙亥春。梁王譽始稱帝。是爲後梁。賞罰制度。並同王者。惟上疏於魏。則稱臣。奉其正朔。二月。梁主方智立。三月。魏免梁俘數千口。夏六月。齊築長城。九百餘里。秋九月。梁陳霸先奉方智。稱藩于齊。霸先自爲尚書令。都督中外諸軍事。丙子春。魏初建六官。以宇文泰爲大冢宰。夏齊大治宮室。冬十月。魏宇文泰卒。臨卒。謂兄子護曰。吾諸子皆幼。外寇方彊。天下之事。屬之於汝。宜努力以成吾志。遂卒。世子覺立。自爲周公。時年十五。

### 陳紀附北齊周

高祖武帝姓陳。名霸先。吳興人。仕梁爲陳公。丁丑春正月。周公覺稱天王。廢魏主爲宋公。宇文護自爲大司馬。尋自爲大冢宰。

弒宋公。於是北周興。西魏亡。夏四月。梁鑄四柱錢。禁細錢。秋九月。梁丞相霸先自爲相國。封陳公。加九錫。周冢宰護弒其君覺。而立寧都公毓。是爲世宗明帝。冬十月。梁陳公霸先進爵爲王。遂稱皇帝。廢梁主爲江陰王。戊寅夏。陳主霸先弒江陰王。己卯春正月。周主始親政。陳主霸先殂。兄子臨川王蒨立。秋八月。周王始稱皇帝。冬十月。齊主洋殂。太子殷立。是爲廢帝。

世祖文帝名蒨。庚辰夏四月。周冢宰護進毒弒其君毓。毓弟魯公邕立。是爲高祖武帝。秋八月。齊常山王演廢其主殷。爲濟南王。而自立。是爲孝昭帝。冬十二月。陳制春夏不斷死刑。辛巳秋九月。齊主演弒濟南王。冬十一月。齊主演殂。弟長廣王湛立。是爲武成帝。壬午春。後梁主管殂。太子歸立。是爲世宗。甲申春。周

初令百官執笏。夏齊主湛殺其兄之子樂陵王百年。乙酉齊主湛傳位于太子緯。自稱太上皇帝。以袒珽爲祕書監。丙戌陳主蒨殂。太子伯宗立。冬十二月齊始用士人爲縣令。魏末以來縣令多用廝役。因是士流恥爲之。

廢帝名伯宗。丁亥春二月陳安成王顓殺劉師知及到仲舉。自是國政盡歸於顓。戊子冬顓廢其主伯宗爲臨海王。而殺始興王伯茂。齊主湛殂。

高宗宣帝名頊。文帝弟。己丑春正月陳主顓立。壬辰春周主討其太師宇文護殺之。親政。甲午夏五月周廢佛道教。毀淫祠。更鑄五行大布錢。立通道觀。丁酉春正月朔齊主緯傳位于太子恒。周師圍鄴。緯出走。周主入鄴。齊丞相高阿那肱引周師追緯。

及恒獲之。遂滅齊。冬十月周主殺溫公高緯。夷其族。十一月周省後宮妃嬪之數。戊戌春周主初服常冠。夏五月周主邕伐突厥。有疾而還。六月殂。太子贊立。是爲宣帝。卽位卽逞奢欲。曾無戚容。己亥春周作刑經聖制。用法益深。二月傳位于太子闡。是爲靜帝。自稱天元皇帝。秋七月陳初用大貨六銖錢。冬十月周主贊復道佛像。十一月周鑄永通萬國錢。庚子春正月周稅入市者人一錢。夏五月周主贊殂。隋公楊堅自爲大丞相。假黃鉞。居東宮。位望隆重。冬丞相堅自爲相國。進爵隋王。加九錫。辛丑春二月隋王堅稱皇帝。周主遜居別宮。隋王卽皇帝位。竄殺之女聞周主禪。太息曰。恨我不爲男子。救舅氏之患。毅掩其口曰。汝勿妄言。滅吾族。由是奇之。及長以適唐公李淵。隋立世子勇。



爲太子。廢周主闡爲介公。盡滅宇文氏之族。隋主有并吞江南之志。問將於高穎。穎薦賀若弼。韓擒虎。使潛爲經畧。夏五月。隋主堅弒介公闡。秋七月。定服色。隋主始服黃。百僚畢賀。隋鑄五銖錢。背面肉好皆有周郭。冬十月初。行新律。壬寅春。陳主瑱殂。太子叔寶立。

後主名叔寶。癸卯春。隋遷于新都。詔求遺書。冬十一月。隋罷郡爲州。甲辰冬。陳起臨春。結綺。望仙閣。各高數十丈。連延數十間。皆以沉檀爲之。近古未有。君臣酣歌。自夕達旦。乙巳夏。隋初置義倉。作輸籍法。梁主歸殂。太子琮立。秋八月。隋築長城。綿歷七百里。丁未秋九月。隋滅梁。以其主蕭琮爲莒公。戊申春三月。隋下詔伐陳。晉王廣出六合。秦王俊出襄陽。楊素出永安。韓擒虎

出廬州。賀若弼出廣陵。凡總管九十。兵五十一萬八千。皆受晉王節度。旌旗舟楫。橫互數千里。陳以周羅暉拒之。陳之鎮戍相繼以聞。諸臣抑而不言。及隋軍臨江。僕射袁憲等奏請防備。再三。陳主從容謂侍臣曰。王氣在此。彼何爲者邪。孔範曰。長江天塹。限隔南北。今日虜軍豈能飛渡邪。陳主以爲然。故不爲深備。奏伎縱酒。賦詩不輟。

### 隋紀

高祖文皇帝姓楊。名堅。華陰人。開皇九年春正月。總管賀若弼韓擒虎進軍滅陳。獲其主叔寶。二月。置鄉正里長。復故陳境十年。餘州一年。詔除毀兵仗。定雅樂。十年冬。江南亂。以楊素討平之。餘黨悉降。江南大定。十二年冬。韓擒虎卒。十四年夏。行新樂。

冬十月。散騎侍郎王劼上皇隋靈感志三十卷。上令宣示天下。十五年春正月。帝東巡。祀天于泰山。二月。收天下兵器。冬十二月。敕盜邊糧。升以上皆斬。十六年夏。初制工商。不得仕進。秋。詔死罪三奏。然後行刑。十七年春。詔聽律外決杖。十八年冬。置行宮十二所。二十年春。賀若弼坐事下獄。赦出之。冬。廢太子勇爲庶人。李綱獨諫。廢太子。帝不悅。十一月。立晉王廣爲皇太子。仁壽元年夏六月。廢太學及州縣學。改國子爲太學。秋八月。皇后獨孤氏崩。三年秋。龍門王通詣闕。獻太平十二策。不報。四年秋七月。太子廣弑帝於大寶殿。而自立。遂殺故太子勇。流尚書柳述。侍郎元巖于嶺南。高祖性嚴重。勤於政事。雖嗇於財。至於賞賜有功。無所愛。愛養百姓。自奉儉素。後宮皆衣澣濯之衣。天下

化之。然猜忌苛察。信受讒言。功臣故舊。無始終保全者。乃至子弟皆如仇敵。冬十月。葬泰陵。十一月。帝如洛陽。以洛陽爲東京。煬帝名廣。高祖第二子。大業元年春正月。立皇后蕭氏。立晉王昭爲皇太子。三月。命楊素營東京宮室。役丁二百萬人。復敕宇文愷等營顯仁宮。奇石異材。輸之洛陽。嘉木異草。珍禽奇獸。以實苑囿。開通濟渠。引汴水。開邗溝。置離宮四十餘所。造龍舟及雜船數萬艘。官吏督役嚴急。役丁死者什四五。復築西苑。苑周二百里。其內爲海。周十餘里。爲蓬萊。方丈。諸山。高百餘尺。臺觀宮殿。羅絡山上。宮樹凋落。則剪綵爲花葉。色渝則易以新者。上好以月夜。從宮女數千騎。遊西苑。作清夜遊曲。於馬上奏之。秋。帝如江都。御龍舟。用挽士八萬餘人。舳舻相接。二百里。二年春。

新作輿服儀衛。夏四月。還東京。秋。太子昭卒。始建進士科。冬。置洛口回洛倉。徵天下散樂。三年春。突厥來朝。夏。詔頒新律。改州爲郡。秋七月。詔發丁男百餘萬。築長城。蘇威諫不聽。八月。營晉陽宮。五年春。改東京爲東都。禁民間兵器。六年春。諸蕃來朝。陳百戲于端門外。以示之。執絲竹者萬八千人。自昏達旦。終月而罷。所費鉅萬。自是歲以爲常。冬。徵高麗王。不至。七年春。帝自將擊高麗。冬。王薄、張金稱、高士達、竇建德等兵起。八年夏。帝至遼東。攻城不克。秋。將軍宇文述等九軍大敗於薩水。而還。九月。帝還東都。十年春。徵天下兵。伐高麗。高麗遣使請降。十一年。以李淵爲山西河東撫慰大使。城父朱粲兵起。十二年春。分遣使者發兵擊諸起兵者。十二月。鄱陽林士弘稱楚帝。據江南。帝至江

都。詔李淵擊突厥。十三年春。竇建德稱長樂王。李密稱魏公。略取河南諸軍。梁師都自稱梁帝。引突厥寇邊。夏。薛舉起兵。自稱西秦霸王。五月。李淵起兵太原。初。淵娶於肅公竇毅。生四男。建成、世民、玄霸、玄吉。世民聰明勇決。識量過人。見隋室方亂。陰有安天下之志。傾身下士。散財結客。晉陽令劉文靜見世民而異之。深自結納。謂裴寂曰。此人雖少。命世才也。文靜說世民曰。天下大亂。非高光之才。不能定也。世民曰。安知其無。但人不識耳。文靜復曰。今主上南巡。羣盜殆以萬數。當此之際。有眞主驅駕而用之。取天下如反掌耳。且太原豪傑皆知之。一旦收集可得十萬人。尊公之兵數萬。以此號令天下。不過半年。帝業成矣。世民笑曰。君言正合我意。而淵不之知也。世民恐淵不從。久不敢

言會突厥寇馬邑。世民乘間說淵曰。今主上無道。百姓困窮。晉陽城外皆爲戰場。大人若守小節。危亡無日。不若順民心興義兵。轉禍爲福。此天授之時也。淵大驚曰。汝安得爲此言。明日世民復說淵。乃歎曰。吾一夕思汝言。亦大有理。今日破家亡軀。亦由汝化家爲國。亦由汝矣。劉文靜乃勸李淵與突厥相結。資其士馬。以益兵勢。淵從之。遣使如突厥。復遣世子建成及世民擊西河郡。拔之。斬郡丞高德儒。遂定入關之計。淵自稱大將軍。開府置官屬。秋。劉文靜以突厥兵至。下韓城。馮翊太守蕭造降。李淵留兵圍河東。自引軍西。冬。淵合諸軍圍長安。蕭銑起兵自稱梁王。十一月。李淵克長安。迎代王於東宮。遷居大興殿後廳。與民約法十二條。悉除隋苛禁。李淵立代王侑爲皇帝。尊帝爲

太上皇。淵自爲大丞相。封唐王。

恭帝侑。煬帝孫。太子昭之第三子也。戊寅春正月。唐王淵自加殊禮。三月。隋宇文化及弒其君廣於江都。立秦王浩。初。煬帝荒淫益甚。酒卮不離口。然見天下危亂。亦不自安。汲汲顧景。唯恐不足。常仰視天文。謂蕭后曰。外間大有人。圖儂然。且共樂飲耳。因引滿沉醉。又引鏡自照。曰。好頭頸。誰當斬之。后驚問故。帝笑曰。貴賤苦樂。更迭爲之。亦復何傷。及此遇害。唐主聞變。慟哭曰。吾北面事人。失道不能救。敢忘哀乎。追諡曰煬。夏五月。唐王淵稱皇帝。受恭帝禪。唐罷郡置州。以太守爲刺史。定律令。置學校。立四親廟。立世子建成爲皇太子。世民爲秦王。元吉爲齊王。廢隋帝侑爲酈國公。魏公密降唐。隋宇文化及弒秦王浩。自稱許

帝。

恭帝侗。煬帝之孫。太子昭第二子也。王世充等立以爲帝。己卯春。唐定租庸調法。夏。王建德破宇文化及於聊城。誅之。夏五月。鄭王世充弒隋主侗。於是隋亡。秋七月。唐置十二軍。八月。唐鄴公覺。

唐紀

高祖神堯皇帝。姓李。名淵。字叔德。成紀人。祖虎。事後周。封唐公。父昉。襲封。帝仕隋。爲太原留守。進爵爲王。尋卽皇帝位。都長安。庚辰春二月。唐以封德彝爲中書令。夏四月。秦王世民擊宋金剛破之。得尉遲敬德。秋復攻鄭。輾輾拔之。辛巳春二月。唐秦王世民敗鄭王世充。三月。夏王建德救鄭。夏五月。世民大破擒之。

鄭王世充降。秋至長安。獻俘太廟。赦王世充。斬竇建德。時以天下略定。百姓給復一年。唐初行開元通寶錢。隋末錢幣濫薄。至裁皮糊紙爲之。民間不勝其弊。冬。唐主以秦王世民功大。爲天策上將。位在王公上。世民以海內浸平。乃開館以延文學之士。杜如晦。房玄齡。虞世南。褚亮之輩十八人。爲文學館學士。時府僚多補外官。房玄齡曰。餘人不足惜。杜如晦。王佐之才。大王欲經營四方。非如晦不可。世民驚曰。微公言。幾失之。卽奏留之。使參謀帷幄。軍中多事。如晦剖決如流。世民每克城。諸將爭取寶貨。玄齡獨收采人物。致之幕府。復遣李靖等伐梁。梁主銑降。十一月。杜伏威擊李子通。執送長安。壬午春正月。劉黑闥自稱漢東王。世民破之。洛水。黑闥奔突厥。楚王林士弘卒。其衆遂散。冬。

十一月唐遣太子建成擊劉黑闥。初唐王之起兵晉陽也。皆秦王世民之謀。唐主謂世民曰。事成當以汝爲太子。世民固辭而止。太子喜酒色遊畋。齊王多過失。皆無寵。世民功名日盛。建成內不自安。乃與元吉協謀。共傾世民。曲意事妃嬪。以求媚於上。世民獨不事之。由是諸妃嬪爭譽建成。元吉而短世民。上於是無易太子意。待世民浸疎。而建成元吉日親矣。王珪魏徵亦說太子曰。秦王功蓋天下。中外歸心。殿下但以年長居東宮。無大功以鎮服海內。今劉黑闥散亡之餘。衆不滿萬。以大軍臨之。勢如拉朽。殿下宜自擊之。以取功名。因結納山東豪傑。庶可自安。於是太子請行。十二月。兵至昌樂。黑闥亡走。癸未春。漢將執其君黑闥降。唐斬之。於是海內大定。武德七年春正月。置大中正。

依周齊舊制也。二月。置州縣鄉學。帝詣國子學。釋奠于先聖先師。詔王公子弟各就學。三月初。定官制。夏四月。頒新律令。初。定均田租庸調法。秋閏七月。突厥入寇。遣秦王世民將兵禦之。八月。突厥受盟而還。九年春。詔祖孝孫定雅樂。二月初。令州縣各祀社稷。夏沙汰僧道。六月。太白經天。秦王世民殺太子建成。齊王元吉。立世民爲皇太子。世民既與建成元吉有隙。建成夜召世民飲酒而酖之。世民暴心痛。吐血數升。上謂世民曰。首建大謀。削平海內。皆汝之功。吾欲立汝爲嗣。而汝固辭。且建成爲嗣日久。吾不可奪也。觀汝兄弟似不相容。不可同處。當遣汝居洛陽。如梁孝王故事。世民泣辭不許。將行。建成元吉及其不至洛陽。將殺之。譖上乃止之。房玄齡曰。今嫌隙已成。實社稷之憂。莫

若早勸王行周公之事。以安家國。杜如晦亦然之。會突厥入塞。建成薦元吉將兵擊之。時使壯士拉殺之。世民聞之。歎曰。骨肉相殘。古今大惡。吾誠知禍在朝夕。欲俟其發。然後以義討之。不亦可乎。衆不聽。世民意乃決。於是太白再經天。傅奕密奏。太白見秦分。秦王當有天下。上以其狀授世民。於是世民密奏。建成元吉淫亂後宮。且兄弟專欲殺臣。似爲世充建德報讐。臣今永違君親。亦實恥見諸賊於地下。上驚報曰。明當鞫問。汝宜早參。明日世民帥長孫無忌等入伏兵於立武門。建成元吉俱入。參覺。有變。欲還。世民追射。建成殺之。尉遲敬德射殺元吉。上曰。不圖今日乃見此事。當如之何。蕭瑀陳叔達曰。建成元吉本不豫義謀。無功於天下。疾秦王功高望重。共爲奸謀。今秦王已討而

誅之。陛下若處以元良。委之國務。無復事矣。上曰。此吾之夙心也。遂立世民爲皇太子。軍國庶事悉委太子處決。然後奏聞。帝自稱太上皇。秋八月。太子卽位。以魏徵王珪爲諫議大夫。放宮女三千餘人。立妃長孫氏爲皇后。突厥入寇。帝出禦之。突厥請盟而退。定勳臣爵邑。禁淫祀。雜占。置弘文館。冬十月。詔追封故太子爲息隱王。齊王爲海陵刺王。改葬之。立子承乾爲皇太子。十二月。遣使點兵。

太宗文武皇帝名世民。高祖第二子也。貞觀元年春正月。宴羣臣。制諫官隨宰相入閣議事。更定律令。以戴胄爲大理少卿。二月。分天下爲十道。三月。皇后帥內外命婦親蠶。閏月。命京官五品以上更宿中書內省。以蕭瑀爲左僕射。山東旱。詔所在賑卹。

獨其租賦。秋以長孫無忌爲右僕射。二年春。詔自今大辟並令兩省四品及尚書議之。秋。詔非大瑞不得表聞。復出宮女三千餘人。冬。詔自今奴告主者斬之。三年春正月。耕藉東郊。二月。以房玄齡杜如晦爲僕射。魏徵秘書監。參預朝政。以是唐世稱賢相。推房杜焉。夏四月。上皇徙居大安宮。四年春三月。四夷君長詣闕。請帝爲天可汗。許之。夏六月。脩洛陽宮。秋七月。敕百司。詔敕未便者皆執奏。冬。除鞭背刑。五年冬十月。詔議封建。十二月。制自今決死刑者皆覆奏。決日徹樂減膳。六年春。群臣請封禪。不許。三月。如九成宮。七年。造渾天儀。秋。山東水。遣使賑之。敕死囚三百九十人。皆縱遣。使至期來詣京師。至是皆如期。自詣朝堂。上皆赦之。十二月。帝奉太上皇置酒未央宮。九年夏。太上皇

崩。冬十月。葬獻陵。十年夏六月。皇后長孫氏崩。后性仁孝。儉素好讀書。后得疾。太子請奏赦罪人。度人入道。后曰。死生有命。非智力所移。赦者國之大事。不可數下。道釋異端之教。盡國病民。皆上素所不爲。奈何以吾一婦人使上爲所不爲乎。爲女則三十卷。至是宮司奏之。秋。禁上書告訐者。更爲府兵之制。命統軍別將。爲折衝果毅都尉。十一年春。作飛山宮。定律令。詔議封禪。禮。冬十月。獵洛陽苑。以武氏爲才人。十四年春。詣國子監。於是四方學者雲集京師。冬。詔李淳風考定戊寅歷。十五年夏。命呂才刊定陰陽雜書。冬。以李世勣爲兵部尚書。而邊塵不驚。十六年春。魏王泰上括地志。十七年春。鄭公魏徵卒。上自制碑文。書石。圖功臣二十四人於凌煙閣。夏。太子承乾謀反。廢爲庶人。立



晉王治爲皇太子。及承乾既失德。上始疑杜世倫。以罪黜侯君集謀反。皆徵阿黨。陪魏徵碑。房立齡等上高祖。今上實錄。冬武陽公李大亮卒。遣表請罷高麗之師。十九年春。帝發洛陽。封比干墓。三月至定州。詔皇太子監國。夏四月。諸軍至立菟。李世勣拔蓋牟城。張亮拔卑沙城。帝渡遼。拔遼東城。進攻安市城。大破其救兵於城下。秋九月。詔班師。冬十月。遣使祀魏徵。復立所仆碑。二十年春。帝還京師。冬十二月。帝生日罷宴樂。二十一年夏。作翠微宮。秋作玉華宮。八月。詔停封禪。二十二年春。作帝範。以賜太子。三月。故隋后蕭氏卒。夏五月。宋公蕭瑀卒。殺華州刺史李君羨。司空梁公房立齡卒。二十三年春。帝有疾。詔太子聽政。夏四月。如翠微宮。五月。黜李世勣爲疊州刺史。世勣受詔不至。

家而去。帝崩。長孫無忌褚遂良受遺詔。輔太子。還宮。發喪。罷遼東兵。六月。太子卽位。葬昭陵。秋九月。以李世勣爲左僕射。開府置僚屬。

高宗皇帝名治。太宗第九子也。永徽元年春。立妃王氏爲皇后。三年春。以褚遂良爲吏部尚書同三品。秋立陳王忠爲皇太子。五年春三月。以太宗才人武氏爲昭儀。夏閏四月。帝在萬年宮。夜大雨。山水衝立武門。衛士皆走。俄而水入寢殿。漂溺三千餘人。冬十月。築長安外郭。六年冬。廢皇后王氏。立昭儀武氏爲皇后。顯慶元年春。以太子忠爲梁王。立代王弘爲皇太子。三年。愛州刺史褚遂良卒。四年夏。以于志寧同三品。許圜師參知政事。秋七月。殺長孫無忌。柳奭。韓瑗。五年冬十月。帝苦風眩。不能視。

百司奏事。初令皇后決百司奏事。后性明敏。涉獵文史。處事皆稱旨。由是始委以政事。權與人主侔矣。龍朔元年夏四月。遣兵部尚書任雅相等征高麗。二年冬。西突厥寇定州。刺史來濟死之。三年。蓬萊宮成。麟德元年秋。詔以三年正月封禪。冬十二月。殺同三品上官儀。劉祥道罷。梁王忠賜死。自是上每視事。則后垂簾於後。政無大小皆預聞之。天下大權悉歸中宮。天子拱手而已。中外謂之二聖。乾封元年春正月。封泰山禪社首祠孔子。尊老君爲太上立元皇帝。夏鑄乾封泉寶錢。二年春。耕籍田。總章元年秋。李勣平高麗。冬置安東都護府。二年冬。李勣卒。勣爲將。有謀善斷。從善如流。戰勝則歸功於下。故人思致死。所向克捷。十一月定銓注法。咸亨元年秋。旱饑。皇后請避位。不許。上元

元年春。以武承嗣爲周國公。秋。帝稱天皇。后稱天后。大酺二年春。天后祀先蠶。夏。太子弘薨。諡孝敬皇帝。立雍王賢爲太子。儀鳳元年秋。以狄仁傑爲待御史。三年春正月。百官四夷朝。天后于光順門。調露元年夏。命太子賢監國。永隆元年秋。廢太子賢爲庶人。立英王哲爲皇太子。開耀元年春正月。宴百官及命婦於麟德殿。永淳元年春。立皇孫重照爲皇太孫。秋。作奉天宮。弘道元年冬十二月。帝崩。太子卽位。尊天后爲皇太后。政事咸取決焉。

附武后

中宗皇帝名哲。嗣聖元年春正月。立妃韋氏爲皇后。二月。太后廢帝爲廬陵王。立豫王旦。太后始御紫宸殿。三月。殺故太子賢。

夏四月。遷帝於房州。又遷于均州。秋八月。葬乾陵。九月。太后改元及服色官名。立武氏七廟。英公李敬業起兵揚州。太后遣將軍李孝逸擊之。二年春。帝在均州。三月。太后遷帝於房州。秋。太后以僧懷義爲白馬寺主。三年春。帝在房州。太后歸政於豫王旦。尋復稱制。三月。太后置銅匱。受密奏。五年春。毀乾元殿。作明堂。夏五月。太后加號聖母神皇。秋八月。琅邪王冲。越王貞舉兵。匡復不克而死。太后遂大殺唐宗室。六年春。太后大饗萬象神宮。冬十一月。太后始用周正。自名聖。改詔曰制。除唐宗室屬籍。七年春。太后策貢士於洛陽殿。貢士殿試自此始。秋。太后殺南安王穎等十二人。及故太子賢二子。唐之宗室於是殆盡。九月。武氏改國號曰周。稱皇帝。以豫王旦爲皇嗣。改姓武氏。御則天。

樓赦天下。以傅遊藝爲鸞臺侍郎平章事。九年冬。周武氏殺豫王妃劉氏。十二月。制宰相撰時政記。月送史館。十五年春三月。帝還東都。太后用平章事狄仁傑言也。秋。周武氏以帝爲皇太子。冬十一月。周以豫王旦爲相王。十六年春正月。帝在東宮。十七年夏。梁文惠公狄仁傑卒。太后信重仁傑。羣臣莫及。常謂之國老。而不名。仁傑好面引廷爭。太后每屈意從之。十九年。周設武舉。神龍元年春正月。張柬之等舉兵討武氏之亂。張易之。昌宋伏誅。帝復位。大赦。遷太后於上陽宮。上尊號曰則天大聖皇帝。以張柬之。袁恕己。同三品。進官賜爵有差。二月。復國號曰唐。流貶周宰相韋承慶等於嶺南。復立韋氏爲皇后。以武三思爲司空。三思令百官脩復太后之政。不附武氏者斥之。大權復盡。

歸三思矣。冬皇太后武氏崩。二年春正月。制太平安樂公主各開府置官屬。二月。制僧慧範道士史崇恩並加五品階。置十道巡察使。秋七月。立衛王重俊爲皇太子。敬暉桓彥張柬之恕已。崔玄暉爲武三思所殺。冬十月。車駕還西京。景龍元年秋。太子重俊起兵誅武三思。兵潰而死。二年春。朔方總管張仁愿築三受降城。夏置脩文館學士。始用斜封墨敕除官。三年春。幸玄武門。觀宮女拔河。四年夏六月。皇后韋氏弑。帝於神龍殿立溫王重茂。臨淄王隆基起兵討韋氏。并其黨皆伏誅。隆基爲平王。相王旦卽位。廢重茂。復爲溫王。立平王隆基爲皇太子。秋七月。追復故太子重俊位號。及敬暉等五王官爵。八月。罷斜封官。冬以西城隆昌二公主爲女官。

睿宗皇帝名旦。中宗之弟也。景雲二年春。命太子監國。復斜封官。夏六月。置十道按察使。太極元年秋八月。帝傳位于太子。尊帝爲太上皇。立妃王氏爲皇后。

立宗明皇帝名隆基。睿宗第三子。開元元年春二月。帝御樓觀燈。大酺。秋七月。太平公主謀逆。賜死。以高力士爲右監門將軍。知內侍省事。唐世宦官之禍自此始也。罷諸道按察使。講武于驪山。冬十二月。改官名。二年春。定內外官出入恒式。置左右教坊。上自教之。謂之皇帝梨園弟子。三月。復置十道按察使。秋。焚珠玉錦繡於殿前。作興慶宮。西樓曰花萼相輝。南樓曰勤政務本。八月。以武后鼎銘頒告中外。敕諸州脩常平倉法。冬立嗣謙爲皇太子。三年秋。置侍讀官。四年春。以郇王嗣真爲安北大都

護。陝王嗣昇王爲安西大都護。二王皆不出閭。諸王遙領節度。自此始。夏六月。太上皇崩。冬葬橋陵。五年秋。復舊官名。六年春。禁惡錢。十一年夏五月。置麗正書院。冬始置長從宿衛。廢皇后王氏。十三年秋。禁奏祥瑞。冬作水運渾天。成。十七年秋八月五日。以帝生日爲千秋節。十八年春二月初。令百官休日。選勝行樂。二十一年冬。分天下爲十五道。置採訪使。二十三年冬十二月。册壽王妃楊氏。二十四年春。皇太子更名瑛。夏四月。張守珪使討擊使安祿山討奚契丹。敗績。守珪奏請斬之。帝惜其才。赦之。秋。張九齡上千秋金鑑錄。冬。裴輝鄉張九齡罷。爲左右丞相。以李林甫兼中書令。牛仙客同三品。二十五年春。置立學博士。夏。廢太子瑛而殺之。冬十月。文貞公宋璟卒。二十六年。令天下

州縣里皆置學。夏立忠王璵爲太子。改名亨。二十七年秋。追諡孔子爲文宣王。二十八年春。張九齡卒。冬十一月。是歲戶口之數。戶八百四十一萬二千八百口。四千八百二十四萬三千六百。西京東都米斛直錢不滿三百。絹匹亦如之。海內富安。行者萬里不持寸兵。二十九年春。立賑饑法。夏閏四月。得立元皇帝像。天寶元年春。以安祿山爲平盧節度使。是時置十節度。經略使以備邊。自此每歲用衣千二十萬匹。糧百九十萬斛。公私勞費民始困矣。二年春。安祿山入朝。上寵待甚厚。謁見無時。三載春正月。改年曰載。二月。以安祿山兼范陽節度使。冬初。令百姓十八爲中。二十三成丁。四載春。帝聞空中神語。秋八月。以楊太真爲貴妃。六載夏。以安祿山兼御史大夫。祿山體肥腹垂過膝。

外若癡直。內實狡黠。其在上前。應對敏給。雜以詼諧。上嘗戲指其腹曰。此胡腹中何所有。其大乃爾。對曰。更無餘物。止有赤心耳。上悅。冬十二月。以天下歲貢。賜李林甫。七歲。夏。賜安祿山鐵券。冬十一月。以貴妃姊爲國夫人。八載春二月。帥羣臣觀左藏。賜楊釗金紫。上由是視金帛如糞土。賞賜無限。夏。停折衝府。上下魚書。府兵至。是盡廢。中國無武備矣。九載春。以姚思藝爲檢校進食使。夏。賜安祿山爵東平郡王。唐將帥封王自此始。賜楊釗名國忠。十載春。爲安祿山起第於親仁坊。自是祿山出入宮掖。通宵不出。頗有醜聲聞於外。上亦不疑也。十一載春。改吏兵刑部爲文武憲部。冬。以楊國忠爲右相兼文部尚書。十三載春二月。以楊國忠爲司空。三月。安祿山歸范陽。十四載春二月。安

祿山請以蕃將代漢將從之。冬十一月。安祿山反。遣封常清如東京募兵以禦之。時承平久。百姓不識兵革。河北州縣望風瓦解。帝還京師。安慶宗伏誅。以郭子儀爲朔方節度使。祿山陷滎陽。制太子監國。平原太子顏真卿起兵討賊。常山太守顏杲卿亦起兵討賊。河北諸軍皆應之。十五載春正月。安祿山自稱大燕皇帝。改元聖武。賊將史思明陷常山。顏杲卿死之。復陷九郡。進圍饒陽。二月。李光弼入常山。執賊將安思義。遂與史思明戰。大破之。眞源令張巡起兵雍丘。討賊。樂從者數千人。夏四月。郭子儀、李光弼與史思明戰於九門。敗之。進拔趙郡。復戰于嘉山。大破之。復河北十餘郡。六月。哥舒翰與賊戰于靈寶。大敗。賊遂入關。帝出奔蜀。次于馬嵬。楊國忠及貴妃楊氏伏誅。明日發馬

鬼。留太子東討賊。帝至扶風。太子至平涼。賊將孫孝哲陷長安。郭子儀、李光弼引兵入井陘。劉正臣襲范陽不克。帝至普安。以房瑄同平章事。秋七月。太子卽位於靈武。尊帝爲上皇。天帝以裴冕同平章事。大赦改元。時文武官不滿三十人。披草萊立朝廷。制度草創。武人驕慢。不知朝廷之尊。上皇制以太子充天下兵馬元帥。諸王分總天下節制。令狐潮圍雍丘。張巡擊走之。八月。郭子儀等將兵五萬自河北至靈武。靈武軍威始盛。人有興復之望矣。以子儀爲靈武長史。李光弼爲北都留守。並同平章事。回紇吐蕃遣使請助討賊。上皇亦遣使奉冊寶如靈武。祿山聞嚮日百姓乘亂多盜庫物。既得長安。命大索三日。并其私財。盡掠之。民間騷然。益思唐室。制諫官言事勿白宰相。史思明陷

河北諸郡。饒陽裨將張興死之。張巡移軍寧陵。與賊將楊朝宗戰大破之。

肅宗皇帝名亨。二載春。安慶緒殺祿山。祿山自起兵以來。目漸昏。至是不復睹物。又病疽。性益躁暴。左右使令小不如意。動加箠撻。或時殺之。嚴莊雖費用事。亦不免箠撻。閹豎李豬兒被撻尤多。左右人不自保。既而嬖妾生子慶恩。欲以代慶緒。慶緒懼。莊謂之曰。事有不得已者。時不可失。慶緒從之。又劫豬兒。豬兒亦許諾。於是入帳中。斫祿山腹。遂死。莊宣言祿山病亟。立慶緒爲太子。襲僞號。然後發喪。賊將尹子奇寇睢陽。張巡入睢陽。與許遠拒却之。郭子儀平河東。二月。帝至鳳翔。旬日隴右河西等兵皆會。長安人聞車駕至。從賊中自拔而來者。日夜不絕。尹子

奇復寇睢陽。張巡擊走之。夏四月。以郭子儀爲司空。天下兵馬副元帥。與賊戰于清溝。敗績。退保武功。是時。府庫無蓄積。朝廷專以官爵賞功。諸將出征。皆給空名告身。由是官爵輕而貨重大。將軍告身一通。纔易一醉。名器之濫。至是而極焉。秋九月。廣平王俶。郭子儀收復西京。遣使請上皇還京師。冬十月。尹子奇陷睢陽。張巡許遠死之。初。子奇久圍睢陽。城中食盡。議棄城東走。張巡許遠謀曰。睢陽江淮之保障。若棄之去。賊必乘勝長驅。是無江淮也。且我衆飢羸。走必不達。古者戰國諸侯尙相救卹。况密邇羣帥乎。不如堅守以待之。茶紙盡。雀鼠亦盡。巡乃出愛妾。殺以食士。城中知必死。莫有敢叛者。所餘纔四百人。賊登城將士病不能戰。巡西向再拜曰。臣力竭矣。生無以報陛下。死當爲厲鬼。以殺賊。城遂陷。巡遠俱被執。南霽雲雷萬春等三十六人亦皆被殺。巡且死。顏色不亂。巡推誠待人。無所疑慮。臨危應變。出奇無窮。號令明。賞罰信。與衆共甘苦。故下爭致死力。廣平王俶。郭子儀等收復東京。帝入西京。上皇發蜀郡。安慶緒走保鄴郡。十二月上。皇還西京。立廣平王俶爲楚王。加郭子儀司徒。李光弼司空。功臣進階。賜爵有差。追贈死節之士。復郡名官名。以良娣張氏爲淑妃。史思明高秀巖各以所部來降。乾元元年春。正月上。皇加帝尊號。帝復上上皇尊號。二月。以李輔國兼太僕射。大赦。改元。復以載爲年。立淑妃張氏爲皇后。徙楚王俶爲成王。立爲皇太子。更名豫。贈顏杲卿太子太保。諡曰忠節。夏六月。立太一壇。史思明反。秋。鑄大錢。命郭子儀等討安慶緒。以宦官

厲鬼以殺賊。城遂陷。巡遠俱被執。南霽雲雷萬春等三十六人亦皆被殺。巡且死。顏色不亂。巡推誠待人。無所疑慮。臨危應變。出奇無窮。號令明。賞罰信。與衆共甘苦。故下爭致死力。廣平王俶。郭子儀等收復東京。帝入西京。上皇發蜀郡。安慶緒走保鄴郡。十二月上。皇還西京。立廣平王俶爲楚王。加郭子儀司徒。李光弼司空。功臣進階。賜爵有差。追贈死節之士。復郡名官名。以良娣張氏爲淑妃。史思明高秀巖各以所部來降。乾元元年春。正月上。皇加帝尊號。帝復上上皇尊號。二月。以李輔國兼太僕射。大赦。改元。復以載爲年。立淑妃張氏爲皇后。徙楚王俶爲成王。立爲皇太子。更名豫。贈顏杲卿太子太保。諡曰忠節。夏六月。立太一壇。史思明反。秋。鑄大錢。命郭子儀等討安慶緒。以宦官



魚朝恩爲觀軍容使。觀軍容之名自此始。冬十月。拔衛州。遂圍鄴城。二年春。史思明自稱燕王。殺安慶緒。還范陽。僕固懷恩常從。郭子儀爲前鋒。勇冠三軍。前後戰功居多。及是。賜爵太寧郡王。秋八月。更鑄大錢。冬十月。李光弼與史思明戰于河陽。大敗之。思明遁去。上元元年春正月。以李光弼爲太尉兼中書令。夏六月。敕小錢一當十。其重輪者當三十。秋七月。李輔國遷太上皇於西內。二年春。史朝儀殺史思明。卽僞位。秋九月。置道場於三殿。制去尊號及年號。以建子月爲歲首。冬。建子月。受朝賀。如正旦儀。上始朝太上皇於西內。寶應元年春。建卯月。河東軍亂。夏。建巳月。太上皇崩。復以建寅爲正月。帝崩。李輔國殺皇后張氏。太子卽位。輔國引太子素服。與宰相見。遂卽位。輔國恃功益

橫。明謂上曰。大家但居禁中。外事聽老奴處分。上內不平。以其方握禁兵。外尊禮之。號爲尙父。而不名。事無大小。皆咨之。羣臣出入。皆先詣輔國。輔國亦晏然處之。六月。進李輔國爵博陸王。以程元振爲驃騎大將軍。上嘗在東宮。以李輔國專權。心甚不平。及嗣位。以輔國有殺張后之功。不欲顯誅之。夜遣盜入其室。竊輔國首及一臂而去。敕有司捕盜。遣中使存問其家。仍贈太傅。

代宗皇帝名豫。廣德元年春正月。以劉晏同平章事。賊將田承嗣以莫州降。李懷仙殺史朝義。傳首京師。僕固懷恩請以薛嵩田承嗣李懷仙爲河北諸鎮節度使。朝廷亦厭苦兵革。苟冀無事。因授之。河朔敢抗朝命。始此。以梁崇義爲山南東道節度留

守三月葬。立宗於泰陵。肅宗於喬陵。秋九月遣使徵僕固懷恩入朝。不至。冬十月吐蕃入寇。上如陝州。吐蕃入長安。關內副元帥郭子儀擊之。吐蕃遁去。詔以子儀爲西京留守。十一月削程元振官爵。元振專權自恣。人畏之甚。於李輔國。放歸田里。中外莫不切齒。十二月上還長安。郭子儀帥百官諸軍奉迎。伏地待罪。上勞之曰。用卿不早。故及於此。以魚朝恩爲天下觀軍容宣慰處置使。總禁兵。二年春。流程元振於濠州。立雍王适爲皇太子。以魏博爲天雄軍。僕固懷恩反。寇太原。以郭子儀爲河中節度使。僕固瑒爲其下所殺。懷恩聞之入告其母。母提刀逐曰。吾爲國家殺此賊。取其心以謝三軍。懷恩疾走得免。遂與麾下三百渡河北入雲中。子儀如汾州。懷恩之衆數萬悉歸之。咸鼓舞。

涕泣喜其來而悲其晚也。秋七月稅青苗錢。給百官俸。僕固懷恩引回紇吐蕃入寇。詔郭子儀出鎮奉天。冬十月懷恩逼奉天。郭子儀出兵。懷恩退。永泰元年秋九月置百高座。講仁王經。僕固懷恩誘回紇吐蕃雜虜數十萬入寇。懷恩道死。召郭子儀屯涇陽。冬十月回紇受盟而還。吐蕃夜遁。大歷元年春二月。貶顏真卿爲陝州別駕。秋八月以魚朝恩判國子監事。二年秋七月。魚朝恩以賜莊爲章敬寺。窮極壯麗。三年春正月。上幸章敬寺。度僧尼千人。五年春三月。魚朝恩伏誅。朝恩專典禁兵。勢傾朝野。陵侮宰相。每奏事以必允爲期。上聞之不懌。元載乘間奏。朝恩專恣不軌。請除之。上令載爲方略。時以寒食宴。貴近於禁中。宴罷。朝恩將出。上責其異圖。周皓與左右縊殺之。以尸還其家。

賜錢以葬。十年春，田承嗣反，陷相州。夏，發諸道兵討之。李正己按兵不進。冬，田承嗣將吳希光以瀛州降。十二年春，誅元載。有司籍載家財，胡椒至八百石，他物稱是。秋七月，司徒文簡公楊綰卒。十三年春正月，勅毀白渠碾磴。十四年春三月，淮西將李希烈逐其節度使李忠臣。詔以希烈為留後。夏五月，帝崩。太子卽位。遺詔以郭子儀攝冢宰，尊子儀為尚父，加太尉兼中書令。詔罷四方貢獻。又罷李園，縱馴象出宮。六月，詔冤滯聽詣。三司使及搥登聞鼓。冬十月，葬元陵。十二月，立宣王誦為皇太子。詔財賦皆歸左藏。

德宗皇帝名适。建中元年春正月，始作兩稅法。罷轉運租庸鹽鐵等使。貶劉晏為忠州刺史。二月，命黜陟使十一人分巡天下。

夏四月，上生日不受獻。六月，築奉天城。秋七月，殺忠州刺史劉晏。二年春，成德節度使李寶臣卒。子惟岳自稱留後。以楊炎盧杞同平章事。杞貌醜，色如藍，有口辯，上悅之。夏五月，田悅舉兵寇邢洛。六月，尚父太尉中書令汾陽忠武王郭子儀卒。子儀擁疆兵。程元振魚朝恩讒謗百端，詔書一紙徵之，無不卽日就道。由是讒謗不行。家人三千人，八子七壻皆為顯官。諸孫數十人，每問安，不能盡辨，領之而已。天下以其身為安危者殆三十年。功蓋天下而主不疑，位極人臣而眾不疾。年八十五而終。秋七月，楊炎罷。以張鎰同平章事。詔馬燧等討田悅，大破之。三年春，復大破悅於洹水。博洛州降。王武俊殺李惟岳，傳首京師。夏四月，朱滔王武俊反。發兵救田悅。寇趙州。詔李懷光討之。括富商

錢冬十一月。朱滔田悅王武俊李納皆自稱王。十二月。李希烈自稱天下都元帥。四年春。李希烈陷汝州。詔遣顏真卿宣慰之。真卿受詔之。希烈與朱滔田悅等使者同宴。四使曰。都統將稱大號。而太師適至。是天以宰相賜都統也。真卿叱之曰。汝知有罵安祿山而死者顏杲卿乎。乃吾兄也。吾年八十。知守節而死耳。豈受汝曹誘脇乎。希烈乃謝之。夏四月初。稅間架。除陌錢法。秋八月。李希烈寇襄城。詔發涇原等道兵救之。冬十月。涇原兵過京師。作亂。上如奉天。朱泚反。據長安。司農卿段秀實謀誅朱泚。不克。死之。朱泚僭號改元。尋改國號漢。十一月。李晟將兵入援。渾瑊擊朱泚。破走之。奉天圍解。十二月。貶盧杞等爲遠州司馬。興元元年春。大赦。王武俊田悅李納上表謝罪。李希烈

自恃兵彊。遂謀稱帝。問儀於顏真卿。真卿曰。老夫嘗爲禮官。所記唯諸侯朝天子禮耳。希烈遂稱大楚皇帝。置瓊林大盈庫於行宮。榜曰瓊林大盈庫。陸贄諫。乃命去其榜。李晟還軍東渭橋。加李懷光太尉。賜鐵券。懷光反。帝奔梁州。加神策行營節度使李晟同平章事。李晟得除官制。拜哭受命。謂將佐曰。長安宗廟所在。天下根本。若諸將皆從行。誰當滅賊者。乃治城隍。繕甲兵。爲復京城之計。李懷光奔河中。車駕至梁州。加李晟諸道副元帥。夏六月。李晟等收復京城。朱泚亡走。其將韓旻斬之以降。秋七月。車駕還長安。八月。顏真卿爲李希烈所殺。以李晟進爵西平王。冬十月。以宦者竇文場王希遷爲監神策軍兵馬使。貞元元年春正月。贈顏真卿司徒。諡文忠。以盧杞爲澧州別駕。給事

中袁高奏杞極惡窮凶。何可復用。上不聽。三月。馬燧敗李懷光兵於陶城。夏四月。燧及渾瑊又破懷光兵於長春宮。遂圍宮城。秋八月。燧取長春宮。遂及諸軍平河中。李懷光縊死。加馬燧兼侍中。罷討淮西兵。二年夏四月。淮西將陳僊奇殺李希烈以降。以僊奇爲節度使。秋九月。置十六衛上將軍。三年春。同平章事韓滉卒。三月。以李晟爲太尉。省州縣官。以李泌同平章事。募戍卒屯田京西。冬十二月。大稔。詔和糴粟麥。四年春。以諸道稅外錢帛輸大盈庫。夏四月。更命殿前射生曰神威軍。左右羽林龍武神武神策神威凡十軍。六月。徵陽城爲諫議大夫。八年夏。以趙憬陸贄同平章事。秋。以裴延齡判度支事。陸贄諫曰。度支準平萬貨。刻吝則生患。寬假則容姦。延齡誕妄小人。用之恐傷聖

鑒。上不從。九年春。始稅茶。秋七月。詔宰相迭乘筆以處政事。置欠負耗贖染練庫。八月。太尉中書令忠武王李晟卒。十年冬。十二月。陸贄罷爲太子賓客。十一年夏。復貶爲忠州別駕。先是贄與延齡有隙。上信延齡而不直贄。韓愈作爭臣論以譏陽城。城及贄貶。乃帥拾遺王仲舒等守延英門。上疏論延齡姦佞。贄等無罪。上大怒。欲罪之。太子爲營救。乃解。金吾將軍張萬福聞宦官伏閣。趣往大言賀曰。朝廷有直臣。天下必太平矣。遂徧拜城等萬福武人年八十餘。自此名重天下。時朝廷相延齡。城曰。脫以延齡爲相當。取白麻壞之。慟哭於庭。秋八月。司徒莊武王馬燧卒。十二年秋。裴延齡卒。中外相賀。上獨悼惜之。十三年冬。以宦者爲宮市使。置白望數百人。十四年秋。吳少誠反。侵壽州。十

五年秋。令諸道進兵討之。冬中書令渾瑊卒。十九年秋。韓愈諫徵稅。貶為陽山令。二十年秋九月。太子有疾。二十一年春。帝崩。太子即位。

順宗皇帝名誦。未貞元年。罷進奉宮市五坊小兒。追陸贄。陽城赴京師。未至卒。立廣陵王純為皇太子。夏六月。韋臯表請太子監國。秋八月。帝傳位于太子。自號太上皇。太子即位。始令史官撰日曆。冬葬崇陵。

憲宗皇帝名純。元和元年春正月。太上皇崩。劉闢反。命神策行營節度使高崇文將兵討之。夏六月。崇文破鹿頭關。連戰皆捷。秋七月。葬豐陵。九月。崇文克成都。擒劉闢。送京師。斬之。冬。回鶻入貢。以摩尼偕來。置寺處之。二年夏。李錡反。制發諸道兵討之。

鎮海兵馬使張子良執李錡。送京師。斬之。以白居易為幹林學士。李吉甫上元和國計簿。六年春正月。以李吉甫平同章事。李絳戶部侍郎。尋復同平章事。七年秋七月。立遂王恒為皇太子。九年春。李絳罷。為禮部尚書。冬十月。李吉甫卒。十年春正月。吳元濟叛。發兵討之。三月。以柳宗元為柳州刺史。以裴度同平章事。十一年夏四月。司農卿皇甫鎛以聚斂得幸。判度支。五月。李光顏烏重胤敗淮西兵于凌雲柵。十二年夏。李愬擒淮西將李祐。冬十月。愬夜襲蔡州。擒吳元濟。檻送京師。十一月。上御門受俘。斬吳元濟。賜李愬爵涼國公。十三年春二月。脩麟德殿。浚龍首池。起承暉殿。淮西既平。上浸驕侈。皇甫鎛程异等曉其意。數進美辭。由是有寵。並同平章事。十四年春正月。遣中使迎佛骨。

至京師。韓愈上書諫。貶爲潮州刺史。裴度罷。度在相位。知無不言。皇甫鎛之黨擠之。爲河東節度使。十五年春正月。上暴崩于中和殿。閏月。太子卽位。初。上服金丹。多躁怒。左右宦官。往往獲罪。有死者。人人自危。至是暴崩。時人皆言。內常侍陳弘志弒逆。其黨類諱之。不敢言。討賊。但云藥發。外人莫能明也。唐世宦官弒君立君。始此。夏六月。葬景陵。

穆宗皇帝名恒。長慶元年夏四月。貶錢徵。李宗閔爲遠州刺史。初。翰林學士李德裕。以中書舍人李宗閔嘗對策。譏切其父。恨之。因其貢舉不公。貶黜。自是德裕宗閔各分朋黨。更相傾軋。垂四十年。成德兵馬使王庭湊殺節度使田弘正。起復田布爲魏博節度使。討之。冬。深州行營節度使杜叔良討王庭湊。大敗。詔

以李光顏代之。二年春。魏博將史憲誠殺其節度使田布。詔以憲誠爲節度使。二月。以王庭湊爲成德節度使。遣兵部侍郎韓愈宣慰其軍。愈至。軍論曰。夫逆順之爲禍福。豈遠耶。自祿山思明以來。至元濟師道。其子孫有今尙存者乎。庭湊因與愈宴。禮而歸之。冬。立景王湛爲皇太子。四年春。帝崩。太子卽位。幸中和殿。擊毬。冬。葬光陵。十二月。以劉栖楚爲諫議大夫。

敬宗皇帝名湛。寶歷元年春正月。赦。二月。浙西觀察使李德裕獻丹宸六箴。上優詔答之。秋七月。鹽鐵使王播進羨餘絹百萬匹。冬十一月。幸驪山温湯。二年春。以裴度爲司空同平章事。冬十二月。宦者劉克明等弒帝于室內。立絳王悟。王守澄等討克明。殺悟。立江王涵。初。上遊戲無度。狎暱羣小。善擊毬。好手搏。又

好深夜自捕狐狸。性復褊急。宦官小過。動遭捶撻。皆怨且懼。夜獵。還宮。與宦官劉克明擊毬。軍將蘇佐明等二十八人飲酒。上酒酣。入室更衣。殿上燭滅。克明等弑帝于室內。克明稱上旨。以絳王悟權勾當軍國事。於是樞密使王守澄等定議迎江王涵入宮。討賊黨盡斬之。絳王爲亂兵所害。明日江王卽位。更名昂。及卽位。出宮人放鷹犬。省冗食。罷別貯宣索。於是中外翕然相賀。以爲太平可冀。

文宗皇帝初名涵。更名昂。穆宗第二子也。大和元年夏四月。韋處厚請避位。不許。秋七月。葬莊陵。三年秋。命宦官毋得衣紗縠綾羅。四年春。以牛僧孺同平章事。李宗閔與之排擯。李德裕之黨稍稍逐之。冬十月。以李德裕爲西川節度使。六年冬十月。立

魯王永爲太子。以李德裕爲兵部尚書。七年春二月。復以德裕同平章事。夏。李宗閔罷。冬十二月。上有疾。八年冬。以李宗閔同平章事。李德裕罷。時德裕宗閔各有朋黨。互相擠援。上患之。每歎曰。去河北賊。易去朝中朋黨。難。九年冬。李訓舒元興鄭注等謀誅宦官。不克。初注等以誅宦官爲己任。於是約既定。韓約奏左金吾聽事後石榴夜有甘露。因再拜。宰相亦帥百官稱賀。訓元興勸上往觀。上許之。顧仇士良帥諸宦者往觀之。宦者既去。時二人部曲數百。皆執兵立丹鳳殿外。訓召之入。士良等至。韓約變色流汗。士良怪之。俄風吹幕起。執兵者甚衆。士良等驚走。詣上告變。訓呼金吾衛士上殿。宦者卽迎上疾趨出。宦者死傷者十餘人。士良等命左右神策兵出討焉。舒元興王涯等皆繫。



兩軍自是天下事皆決於北司。宰相行文書而已。開成元年春二月。加劉從諫檢校司徒。三年冬十月。太子承卒。四年春三月。司徒中書令裴度卒。度身貌不踰中人。而威望遠達四夷。以身繫國家輕重。如郭子儀者二十餘年。冬十月。以陳王成美爲皇太子。上坐正殿。召周墀問曰。朕何如。周赧漢獻。墀驚曰。彼亡國之主。豈可比聖德。上曰。赧獻受制於彊諸侯。今朕受制於家奴。以此言之。殆不若也。因泣下霑襟。墀伏地泣涕。自是不復視朝。五年春正月。立穎王漣爲皇太弟。廢太子成美爲陳王。帝崩。太弟殺陳王成美。遂卽位。秋八月。葬章陵。九月。以李德裕同平章事。

武宗皇帝名漣。後更名炎。穆宗第五子也。會昌元年春三月。以

陳夷行同平章事。二年秋八月。以白敏中爲翰林學士。三年夏。築望仙觀於禁中。四年春。以趙歸真爲道門教授先生。五年冬。詔罷來年正旦朝會。六年春三月。立光王忱爲皇太叔。帝崩。太叔卽位。李德裕罷。趙歸真等伏誅。夏六月。定太廟爲九代十一室。秋八月。葬端陵。冬十月。上受三洞法籙。

宣宗皇帝名忱。憲宗第十三子也。大中元年春。敕復廢寺。三年冬閏十一月。加順宗憲宗諡號。李德裕卒。八年春正月。朔日食。罷元會。上又與令狐綯謀。盡誅宦官。宦者竊見其奏。由是益與朝士相惡。南北司如水火矣。十三年秋八月。帝崩。郗王漣卽位。宣宗性明察沉斷。用法無私。從諫如流。重惜官賞。恭謹節儉。惠愛民物。故大中之政。訖於唐亡。人思詠之。謂之小太宗。

懿宗皇帝名漼。咸通元年春正月。浙東賊裘甫作亂。葬貞陵。三月。發諸道兵討裘甫。夏六月。王式擒裘甫。送京師。斬之。九年秋。七月。桂州戍卒作亂。判官龐勛將之。十四年春正月。遣使迎佛骨。夏四月。至京師。儀衛之盛過於郊祀。秋七月。帝崩。普王儼卽位。

僖宗皇帝名儼。乾符元年春二月。葬簡陵。冬。濮州人王仙芝作亂。二年春二月。以小馬坊使田令孜爲中尉。政事一委令孜。呼曰阿父。令孜頗讀書。多巧數。納賄除官。不復關白。夏。王仙芝陷濮曹州。冤句人黃巢聚衆應之。五年春。黃巢自稱衝天大將軍。入浙東。廣明元年春。沙陀寇沂代。逼晉陽。秋七月。黃巢渡江。又渡淮。冬十一月。陷東郡。入長安。上走興元。令孜從。百官皆莫之

知。巢遂入宮。自稱大齊皇帝。義成節度使王處存舉兵入援。中和元年春正月。帝幸成都。鄭畋傳檄天下。合兵討賊。高駢出屯東塘。秋。壽州人王緒作亂。陷光州。二年冬十月。以朱溫爲河中。行營招討副使。賜名全忠。三年夏五月。李克用破黃巢。收復長安。四年夏五月。李克用至汴州。朱全忠襲之。克用走。還。六月。尙讓敗黃巢于瑕丘。賊黨斬巢以降。光啓元年春三月。車駕至京師。冬十月。田令孜陰結朱玫等。攻河中。李克用救之。十二月。進逼京城。令孜奉天子奔鳳翔。二年春。令孜劫上如寶雞。朱玫等追逼車駕。上復走入太散關。二月。至興元。冬十月。朱玫立襄王煚稱帝。改元。十二月。王行瑜還長安。斬朱玫。煚走河中。王重榮殺之。傳首行在。三年春三月。帝至鳳翔。文德元年春二月。帝至

長安。三月立壽王傑爲皇太弟。帝崩。太弟卽位。更名敏。以韋昭度攝冢宰。葬靖陵。

昭宗皇帝名敏。懿宗第七子。龍紀元年春正月。以劉崇望同平章事。大順元年春二月。李克用攻雲州。詔削奪克用官爵。會諸道兵討之。夏六月。以朱全忠爲宣武宣義節度使。景福元年秋八月。以楊行密爲淮南節度使。淮南被兵六年。士民轉徙幾盡。行密能以勤儉足用。未及數年。公私富庶。乾寧元年春二月。以鄭綰同平章事。綰自言曰。歇後鄭五。作宰相。時事可知矣。累讓不獲。乃視事。二年春二月。加李克用中書令。貶張濬緒州司戶。秋七月。詔李克用討王行瑜。克用遣其子存勗詣行在。年十一。上奇其狀貌。撫之曰。兒方爲國之棟梁。他日宜盡忠於吾家。四

年春正月。立德王裕爲皇太子。光化元年春三月。加朱全忠天平節度使。三年夏。崔胤爲同平章事。殺司空同平章事王搏。宋道弼。景務脩皆賜自盡。於是胤專制朝政。勢震中外。宦官皆側目。冬十一月。中尉劉季述幽上於少陽院。而立太子裕。崔胤密致書朱全忠。使與圖反正。季述遣其養子希度詣全忠。許以唐社稷。輸之。全忠猶豫。副使李振獨曰。王室有難。霸者之資也。宦豎囚廢天子。不能討。何以復令諸侯。全忠大悟。卽囚希度。與胤胤謀之。天復元年春正月朔。神策指揮使孫德昭等討劉季述等。皆伏誅。上復于位。黜太子裕。爲德王。夏五月。加朱全忠護國節度使。冬十月。朱全忠舉兵發大梁。十一月。韓全誨等劫帝如鳳翔。朱全忠取華州。引兵至鳳翔城東。而還。二年夏五月。全忠

至東渭橋與崔胤宴胤泣訴於全忠曰請以時迎奉全忠乃將兵五萬發河中圍鳳翔三年春帝幸全忠營尋至長安崔胤奏宦官典兵預政傾危國家不剪其根禍終不已請悉誅之上從之全忠遂以兵驅第五可範已下數百人盡殺之寃號之聲徹於內外其出使外者詔所在誅之止留黃衣幼弱者三十人以備灑掃二月賜朱全忠號回天再造竭忠守正功臣進爵梁王天祐元年春正月梁王全忠殺崔胤全忠表請遷都洛陽上從之發長安至華州民夾道呼萬歲上泣曰勿呼萬歲朕不復為汝主矣秋八月全忠使人弑帝於椒殿太子祝卽位全忠聞之陽驚哭自投於地曰奴輩負我令我受惡名於萬代至東都伏梓宮慟哭

昭宣帝名祝天祐二年春二月朱全忠殺德王裕等九人投尸池中皆昭宗之子也夏六月殺裴樞等三十餘人於白馬驛帝加全忠九錫不受

五代

後梁紀

太祖皇帝姓朱名溫更名晁宋州碭山人降唐賜名全忠丁卯春正月淮南牙將張顥徐溫作亂三月唐遣使奉冊寶如梁夏四月盧龍節度使劉仁恭為其子守光所囚全忠稱皇帝奉唐帝為濟陰王岐王李茂貞開府事皆擬帝者秋九月蜀王王建稱帝戊辰春正月晉王李克用卒子存勗立二月梁主晁弑濟陰王夏五月晉王攻梁夾寨破之潞州圍解王歸晉陽休兵行

賞寬租稅。撫孤窮。境內大治。己巳春正月。梁遷都洛陽。淮南徐溫殺其節度使楊渥。自領昇州刺史。夏四月。梁以王審知爲閩王。以劉守光爲燕王。庚午春二月。岐王承制加楊隆演嗣吳王。辛未秋八月。燕王劉守光稱帝。壬申夏五月。梁主至洛陽。疾甚。謂近臣曰。經營天下三十年。不謂太原餘孽更昌熾如此。吾觀其志不小。天復奪我年。我死諸兒非彼敵也。吾無葬地矣。因哽咽絕而復蘇。六月。梁郢王友珪弑其主冕而自立。

梁主璵太祖第三子。癸酉春二月。梁均王友貞起兵討賊。友珪伏誅。友貞立于大梁。更名璵。夏四月。晉師逼幽州。拔平營州。冬。晉王入幽州。執劉仁恭。守光以歸。甲戌春。劉仁恭。劉守光伏誅。乙亥夏四月。魏人降晉。六月。晉王入魏。冬十月。梁康王友敬作。

亂伏誅。丙子秋九月。晉王還晉陽。冬。契丹稱帝。改元。丁丑春。契丹圍幽州。夏。晉王遣李嗣源將兵救之。五月。吳徐溫徙治昇州。秋八月。劉巖稱帝于廣州。晉師擊契丹。敗之。幽州圍解。戊寅夏六月。蜀主建殂。太子宗衍立。秋八月。晉王大舉伐梁。戰于胡柳陂。周德威敗死。晉王收兵復戰。大破梁軍。越改國號漢。己卯夏四月。吳王隆演建國。改元。秋七月。吳越王鏐攻吳常州。吳人大戰。破之。八月。吳與吳越連和。冬。吳團結民兵。庚辰夏。吳隆演卒。弟溥立。辛巳春正月。晉得傳國寶。初。蜀主吳王屢以書勸晉王稱帝。而將佐及藩鎮皆勸進不已。適黃巢之破長安也。魏州僧得傳國寶。至是以爲常玉。將鬻之。或識之。曰。傳國寶。乃詣行臺獻之。將佐皆奉觴稱賀。張承業聞之。亟詣魏州。大譟共稱帝。不

可王曰。此非余所願。奈群下意何。承業知不可止。慟哭歸晉陽。邑邑成疾不起。

後唐紀

莊宗皇帝姓李。名存勗。其先出於西突厥。癸未夏四月。晉王存勗稱皇帝于魏州。國號唐。閏月。唐遣李嗣源襲梁鄆州。取之。以嗣源為節度使。梁將康延孝奔唐。秋。梁以段凝為招討使。攻鄆州。冬。唐主救之。梁師敗績。王彥章死之。唐主入大梁。梁主瑱自殺。唐遂滅梁。毀梁宗廟。追廢朱溫。朱友貞為庶人。楚王殷遣使入貢于唐。吳亦遣使如唐。冬十二月。唐遷都洛陽。甲申春二月。唐主祀南郊。唐以李茂貞為秦王。立夫人劉氏為后。夏。秦王李茂貞卒。以子繼曠為鳳翔節度使。秋九月。唐遣魏王繼岌及郭崇韜將兵伐蜀。冬。唐師滅蜀。蜀主王衍降。唐以孟知祥為西川節度使。楚鑄鉛鐵錢。丙戌春正月。唐魏王繼岌殺郭崇韜。二月。唐鄆都亂。李嗣源奔相州。引兵向大梁。唐主如關東。嗣源入大梁。唐主乃還。夏四月。唐伶人郭從謙弒其主存勗。嗣源入洛陽。監國有司議即位禮。宜用嗣子柩前即位之禮。眾從之。嗣源乃服斬衰於柩前即位。百官縞素。既而御竟冕。受冊。百官吉服稱賀。冬十月。王延翰自稱閩王。十二月。延稟弒其君延翰而立其第延鈞。

明宗皇帝名邈。佶烈為李克用養子。更名嗣源。胡人也。丁亥春正月。唐主更名亶。二月。唐主以壻石敬瑭為六軍諸衛副使。郭從謙伏誅。夷其族。以馬殷為楚國主。始建國立宮殿。置百官。冬

十一月。吳王楊溥稱帝。戊子。秋七月。唐收麴稅。壬辰。春二月。唐初刻九經版印賣之。三月。吳越王錢鏐卒。子元瓘嗣。癸巳。春正月。閩王延鈞稱帝。更名璘。唐以孟知祥爲蜀王。冬十一月。唐主疾病。秦王從榮作亂。伏誅。唐主亶殂。十二月。子從厚立。

閔帝名從厚。明宗第三子。甲午。春。蜀主孟知祥稱帝。李從珂舉兵。鳳翔。唐遣兵討之。官軍降潰。從珂入長安。唐主出奔。從珂入洛陽。廢其主從厚。爲鄂王。而自立。尋又弒于衛州。宋令詢死之。秋。蜀主知祥殂。

廢帝名從珂。明宗養子。本姓王氏。乙未。冬十月。閩李做弒其主璘。而立福王繼鵬。更名昶。夏五月。唐以石敬瑭爲天平節度使。敬瑭拒命。唐發兵討之。敬瑭遣使求救於契丹。秋九月。契丹主

將五萬騎。救敬瑭。唐兵大破。契丹圍之。唐主自將次懷州。冬十一月。契丹立石敬瑭爲晉皇帝。敬瑭割幽薊等十六州以賂之。唐主還洛陽。晉主至河陽。唐主從珂自焚死。晉主入洛陽。十二月。晉追廢唐主從珂爲庶人。

### 後晉紀

高祖皇帝姓石。名敬瑭。西夷人。唐明宗壻也。丁酉。春正月。晉以李崧同平章事。桑維翰兼樞密使。吳徐知誥建齊國于金陵。始建宗廟社稷。夏四月。晉遷都汴州。秋七月。吳徐知誥更名誥。稱帝國號。唐奉吳主爲讓皇。契丹改號遼。改元。戊戌。夏五月。唐主遷故吳主于潤州。秋八月。晉主上尊號契丹。冬十月。契丹加晉主尊號。己亥。春。唐主徐誥復姓李氏。更名昇。夏。晉廢樞密院。閔

王曦弒其主昶而自立。稱藩于晉。辛丑冬十月。閔王曦稱帝。十二月。漢主龔更名龔。是爲南漢。壬寅夏四月。漢主龔殂。子玠立。六月。晉主敬瑭殂。兄子齊王重貴立。

出帝名重貴。癸卯春。晉主還東京。唐主昇殂。閔富沙王延政稱帝于建州。國號殷。唐主璟立。漢晉王弘熙弒其主玠而自立。更名晟。秋九月。晉執契丹回圖使喬榮。既而歸之。契丹主大怒。入寇之志始決。冬十月。晉主立其叔母馮氏爲后。甲辰春正月。契丹陷晉貝州。晉遣兵禦之。二月。契丹度河。晉主自將擊之。契丹敗走。晉詔劉知遠擊契丹。知遠屯樂州。不進。三月。閔朱文進弒其主曦而自立。夏。晉主還大梁。朱文進稱藩于晉。晉以爲閔國公。冬。殷遣兵討文進。唐遣兵攻殷。閔人討殺文進。傳首建州。契

丹復入寇。乙巳春。殷改國號曰閔。閔人及唐人戰。閔人敗績。夏四月。晉主還大梁。唐兵拔建州。閔主延政出降。於是閔亡。丙午冬十月。晉遣杜威將兵伐契丹。十一月。契丹大舉入寇。十二月。晉將王清戰死。杜威等以兵降。契丹遣兵入大梁。執晉主重貴。以歸。殺桑維翰。囚景延廣。

後漢紀

高祖皇帝姓劉。名知遠。更名龔。其先沙汰部人。後世居太原。初仕晉。領忠武軍節度。丁未春正月。契丹德光入大梁。殺長彥澤。封晉主重貴爲負義侯。徙之黃龍府。晉諸藩鎮皆降。劉知遠使奉表於契丹。二月。知遠稱帝於晉陽。至大梁。始改國號曰漢。戊申春。漢主更名龔。杜重威伏誅。周王承祐立。秋八月。漢劉崇



表募兵備契丹。


隱帝名承祐。己酉秋。漢郭威克河中。李守貞自殺。九月。漢加威侍中。威請加恩。將相藩鎮從之。冬十一月。漢主承祐殺其樞密使楊邠等。遣使殺郭威。不克。威舉兵反。遂弑其主承祐。漢太后臨朝。契丹入寇。屠內丘。陷饒陽。漢遣郭威擊之。威至澶州。自立而還。


### 後周紀

太祖皇帝姓郭。名威。邢州堯山人。辛亥春正月。郭威稱皇帝。國號周。周主威弑。漢湘陰公贇於宋州。漢劉崇稱帝于晉陽。是為北漢。二月。周主毀漢宮寶器。曰。凡為帝王。安用此物。癸酉。周罷戶部營田務。除租牛課。

世宗皇帝名榮。姓柴氏。太祖無嗣。養以為子。甲寅春。周主威殂。晉王榮立。二月。北漢主以契丹兵擊周。李筠逆戰。敗績。三月。周主自將與漢戰于高平。漢兵敗績。丙辰春正月。周主自將伐唐。大敗唐兵。夏四月。唐兵攻六合。趙匡胤擊敗之。周主還大梁。以匡胤為定國節度兼殿前都指揮使。戊午春。周主臨江。遣水軍擊唐兵。破之。唐主遣使盡獻江北地。周主罷兵。引還。夏五月。唐主更名景。去帝號。奉周正朔。秋八月。南漢主晟殂。子鋹立。恭帝名宗訓。世宗四子。己未春。周作律準。定大樂。夏四月。周主自將伐契丹。有疾。乃還。以趙匡胤為殿前都點檢。秋。周主榮殂。梁王宗訓即位。世宗在藩。多務。韜晦。及即位。號令嚴明。人莫敢犯。應機決策。出人意表。

--	--	--	--	--	--	--	--	--	--	--	--





特3 1

689